



A lokisetse Morena Sechaba se phethehileng (Luka 1,17)

Tel: 28 350 466/ 62600983 (WhatsApp)

MOELETSI OA BASOTHO

PARARE DOMINO PLEBEM PERFECTAM

**CBL e'a e loana**

2

**'Muso o
khoehlsa litomo**

12

**BA AMOHA MELATA KHOEBO****Access Our Books on Akello Library!**Explore a wide range of our books anytime, anywhere.
Visit Akello Library today and start reading!

#ReadAnywhere #AkelloLibrary #ExploreMore

**<https://library.akello.co/downloads>****Follow the link**

bookcentre@mazenodprinting.co.ls

Need guidance? Call/ / WhatsApp: 27 350562 / +266 57396597

MOELETSI

Phethahatsang benghali!

CBL e'a e loana

Nthabeleng Seitlheko

Ele ho nolofaletsa bahoebi ba banyenyane le likhoebo tse ikemetseng ho fumana mekitlane ha bonolo, Banka e Kholo ea Lesotho (CBL) e behile sechaba leseling ka leboata la LERIMA le thusang batho ba alimisanang ka lichelete ho etsa seo ka hore ea alimang chelete a ka beha thepa ea hae paneng. Litaba tsena, li bile ka la 18 Phupjane monongoaha.

Lebitsong la Mookameli oa CBL Bafokeng Nosi o itse ba hlahloba lintho tseo ba seng ba li fihletse ho tloha tšebetso e qalile ka selemo sa 2021, le ho sheba e tla thusa ntlafalong ea hore likhoebo tse nyenyane le tse ikemetseng hore li fumane mekitlane ha bonolo e le ho arabela litaba tsa tlhokahalo ea mesebetsi.

A re ke takatso ea bona hore molao oo ba tlang ho o kenya tšebetsong e be o tla matahana hantle le ea machaba.

Boleballi Taasoana ho hlahla Lefapheng la Bohlahlobi le Ngoliso ea Likhoebo tse hoebang ka ho hirisa Chelete, o bontšitse hore morero ke ho beha sechaba leseling ka sehlahisoa sena e le ho thusa ho tsebahatsa leboata la bona leo ho ngolisoang thepa ha e ile ea beoa paneng ho batho ba fanang ka mekitlane.

O re ba boetse ba ba hopotsa molao o ileng oa fetisoa ka selemo sa 2020,



'me tšebetso ea ea leboata leo ea etsoa ka sa 2022. O re morero ke ho thusa hore bao ba famine mekitlane ka boleng bo tlaase.

Batho ba bang le boemo ba ho ngolisa leboteng lena, ke bahoebi ba mabenkele a thepa le ba hirising lichelete, 'me pele motho a ka fuoa thuso khoebo e joalo e tlameha ho shejoa hore na thepa e teng ka hoo ka leboteng e se e ngolisitse kapa ho beoa paneng.

A re seo se thusa beng ba mabenkele ho etsa liqeto tse nepahetseng ba ipapisitse le thepa e teng ea ea hloakang mokitlane. Motho o ngolisa thepa ho be le tumellano ea tšebetso.

A re qholotso e kholo ke hore bohloko ba batho ha ba na tsebo, ka hona a ipiletsa ho ba fanang ka mekitlane ho ba le mekhoha e mecha.

Nkareng Letsie ho hlahla Mokhatlong oa Baji, o supile hore sehlahisoa sena se bohlokoa kaha batho ba e-na le lithepa tseo ba li behang paneng hore ba fuoe mekitlane. A re ho bohlokoa hore pele motho a etsa seo a batle boeletsu hore a se ke a iphumana a behile paneng thepa e sa hlokahaleng.

Ntho e monate ke hore sehlahisoa sena se totobalitse hore ho beoa paneng lithepa tse kang likoloi, mehala ea thekeng le tse ling ho fihlela motho a qetile ho lefa mokitlane oa hae. O re Basotho ba lokela ho utloisisa litaba tsena le ho li tseba e le hore ba se ke ba iphumana ba jeoe, hape ho bohlokoa ho netefatsa hore bahoebi le bona ba na le tsebo ka litaba tsena hore qetellong bohle ba be leetong le leng la tšebeliso ea thepa.



'Mamekhatlo ea Basebetsi Lesotho (FELETU) o ipiletsa ho 'Muso oa Lesotho ho phethahatsa kahlolo e fanoeng ke Lekhotla la Thibelo le Tharollo ea Likhanga tsa Basebetsi, ea hore marena a nyolelloe meputso. Phatlalatso ena e tla kamor'a hore Marena a Sehlooho a khaleme marena a metse hore a se kene mekhatlo ea sechaba hobane ha se bahlanka ba 'muso. Empa a iphapanye hanyenyane hobane selo seo sa bona 'muso o ntse o se seka-seka 'me o tla se arabela. Ona a khutlele tšebetsong ea ho thusa sechaba se kalosong ea sona. 'Muso ona oa mpa ha se oo motho a ka o qhekellang ho hang, ka lebaka lena ha ho makatse hore le kamor'a khalemo e joalo, FELETU ke ena e ntša polelo e qelang bophethahatsi. Sesotho maemong a tjena ke moo se tla re seeta se chesa sa re rometseng.

Lekala la Lipalangoang le tlii'o kenya tšebetsong molao o tli'o ntša melata kahar'a khoebo ea likoloi tsa baeti, empa le ipiletsa ho Basotho ho tlohela ho kenya metsi ka moeli. Basotho ba tlahloa ba etsa tumellano le melata ebe ba ngolisa likhoebo ka mabitso a bona empa khoebo eo e joalo e le ea melata. Ntho ena e ntšetsapele taba ea hore Basotho ehlile rata melata ebile re e hlomphe hoo re ka rekisanang kapa ho rekisa naha ena ea habo rona ho e thabisa. Hona tjee motho h'a lumella molata ho mo etsa lekhoba kahar'a naha ea habo o ikutloa joang? Kapa ke eona mesebetsi ea tlala banna? Ke 'nete hore tlala e ka u kenya motho ha lelimo, Basotho ha ba hlokomela hore hosane Lesotho le tla be le tletse melata?

Komiti ea Paramente e Alositseng Tšebeliso ea Lichelete tsa Sechaba (PAC) e tsoelapele ka tšebetso ea eona Kampaning ea Phepelo ea Motlakase Lesotho (LEC), 'me Molula-Setulo oa Boto ea LEC o bontša hore ba ntse ba sebelisa maano a khale a selemo sa 2015 ho etsa meputso. O re leano la selemo sa 2021 ke moralo feela o sa kang oa kenngoa tšebetsong, ha ho le joalo ba tla sebetsana le lona kapele kaha ba se ba buisane le basebetsi. Molula-Setulo oa PAC eena o itse lichelete tsena tseo benghali ba ntseng ba iphatsona ha se tsa LEC hobane eona ha e na letho, chelete eo kaofela e tsoa mahatleng a bana ba Thesele. Ke mona moo ho tla nyolloa theko ea motlakase khafetsa ho phethahatsa merero e joalo.

'Muso o ntse o lata thepa eo e ileng ea ikhapeloa ke batho ba sebietseng teng nakong e fetileng. Lekhetlong lena le ngoletse Letona la mehlang la Lihlolieng lengolo mabapi le komporo eo le e filoeng ha le le ofising, letona lona le latola taba ena bosehla. Le bile le se le kopane le liakhente 'me le tla hulela lekala le joalo makhotleng le ho kopa chelete e kaalo ka M5 Million ea tšenyoe ea lebitso. Ha e le Letona la mehlang la Toka le Molao lona le elelitse bangoli ba lengolo leo ho hula tsohle tse ngotsoeng hobane ha ho thepa ea 'muso eo le ikhapetseng eona. Joale ha re sa tseba hore na 'nete e hokae, e le hore lekala ha le'a etsa liphuputso ka mokhoa o nepahetseng? Kapa bahlomphehi ba baleha ho nka boikarabello?

'Muso oa Lesotho o arabile selo sa nako e telele sa bacha mabapi le tlhokahalo ea mesebetsi, 'me sena o se entse ka ho tlosa tse ling tsa lipehelo tse neng li hlokoa ha motho a theha khoebo. Boiketong ba mesebetsi e meholo ea 'muso ho no lefshoa chelete e lipakeng tsa M2, 000.00 le M5, 000.00 empa sena se felisitsoe, mang le mang a ka fumana boiketo bo joalo marang-rang ntle le tefo ea letho. Ntsha e 'ngoe ke ea hore motho h'a ngolisa khoebo ha ho sa hlokahala konteraka ea moaho. 'Muso hape ka kopanelo le Setsi sa Thibelo ea Likoluoa (DMA) o phatlalalitse tlhokahalo ea mesebetsi e le koluoa.

Bacha ba bontšitse ba sa thabela litaba tsena hakaalo hobane khale 'muso o ba tšepisa o sa phethahatse. Ha feela ba ka bona litaba tsena li entsoe ka mongolo, ke hore ho ntšitsoe Gazette, ke hona ba tla li nkela hloohong. 'Muso oa habo rona taba e kholo ke bophethahatsi, meralo le merero e metle kanete, phethahatsang ke hona bahlomphehi.

MOLIMO A BOLOKE LESOTHO LE BASOTHO

Contacts: +266 28350 466

62600983 WhatsApp

Email: newsroom@moeletsiabasotho.co.ls

Sales and Marketing: (+266) 28 350 466/ 57396597 (WhatsApp)

MOELETSI oa BASOTHO
A LOKISITSE MORENA SECHABA SE PHETHEHLING (LUKE 1:17)

Editorial

Lesetsa Rakubutu

(+266) 6203 1949 / 58490670

EMAIL: editor@moeletsiabasotho.co.ls

Mohale Lehlohonolo (Sub-editor)

(+266) 58 771 507 / 62 771 507

Journalists

Nthabeleng Seitlheko

57 665 038/ 68 216 271

Tšeliso Thakholi

58 540 853/ 63 480 404

Production Desk: 'Mateele Liqa

Ba amoha melata khoebo

Nthabeleng Seithheko

Boto ea Lipalangoang e fihletse qeto ea ho kenya tšebetsong sehlo-mathiso sa molaoana o laolang likhoebo kahar'a naha, ka ho fa Basotho khoebo ea likoloi ka kotloloho, le ho e amoha melata ho tloha ka la 16 Phupjane monongoaha. Litaba tsena li boletsoe ke Ralipatlalatso oa Lekala la Lipalangoang, Ntumleng Ntšekhe puisanong le Koranta ka la 17 Phupjane monongoaha.

O re polomiti tsa A, D, E le F ke tsona tse ke keng tsa hlola li fuoa melata ho ipapisitsoe le khaolo ea 34. O re sena ke ho sireletsa le ho baballa khoebo ea Basotho e neng e se e bonahala e kenelloa le ke melata. A re ha joale ba ikemiselitse ho boloka khoebo eo e le ea Basotho hore moruo o tsoele naha molemo.

O re Basotho ba lokela ho tlohela bolotsana ba ho ne-



hella melata khoebo ka ho ngolisa ka mabitso a bona empa ba tseba hore khoebo ha se ea bona. A re ea tla fumanoa a entse ketso eo o tla nkeloa likhato tsa molao. A re ba boetse ba ipiletsa ho Basotho ho latela melao eohle e ba tsamaisang ho sa natsoe boemo e le hore khoebo eohle e baballehe

molemong oa bokamoso ba naha ena.

Ho feta mona o re ba etsa sena hobane ba ile ba hlokomela hore melata e se e kenella le khoebong ea likoloi e leng phoso e kholo e tla ba hlokisa taolo.

Ralipatlalatso oa Mokhatlo oa Bahoebi ba Likoloi tsa Baeti (MRTO) Lebohang

Moea o thoholelitse lekala ka ho nka khato ena ka le reng ho ne ho se ho bulehile phenye-nyenye lehoja e le eona khoebo e seng e setse matsohong a bona.

O re sena se tl'o ba thusa ho hoeba hantle ekare melata e neng e se e na le lipolomiti e ka li ammuoa ho tliša ponaletso. A re ho

bohlokoa hore Basotho ba iketsetse molemo oa ho tšepahalla khoebo ena ka ho se iphumane ba ngolisa likoloi ka mabitso a bona empa e se tsa bona.

A re taba e teng ke ho itlhokela botšephehi ha Basotho linthong tseo e leng tsa bona. O phethetse ka ho khalema ka matla baqho-bi ba likoloi hore ba ke ba hlomphe baahi ba bona, ba qobe ka hohle ho etsa litlolo tsa molao likoloining tse ka ba silafatsang le ho senya seriti sa khoebo.

E mong oa baqho-bi ba likoloi tsa maphele Liphopho Chonela o hlalositse hore taba ena e bohlokoa empa lekala le ke le lekole tsela ea lona ea ho fana ka lipolomiti ka le reng tiehiso e etsa hore batho ba sitoe ho fumana mangolo le ho kena khoebong. A re qholotso e kholo ke ho se fumane mangolo ka nako e leng se etsang hore batho ba kene khoebong ba sa latela methati e nepahetseng.

A re khoebo e ka fana ka seriti ha batho ba ipoleletse hore le bona bosebeletsing ba bona ba fana ka litšebeliso tse sa tletlebiseng. A re ho bohlokoa hore 'Muso oa Lesotho o ntlafatse phano ea litšebeliso.

Litabeng tsena Moetapele oa Mokha oa Sechaba sa Basotho (BNP) Macheset-sa Mofomobe o re 'muso ka lekala le boletsoeng o bapalla letšoele, hoba molao ona o entsoe khale 'me ba iphapanyetse ho o kenya tšebetsong.

O re tlala e tjametseng sechaba e ngata ka lebaka la tlhokahalo ea mesebetsi ka lebaka leo, hoa nepahala hore 'muso o iphatlatse ka tsela e hlakileng eseng e rohang sechaba mahlo a naketsana ha melata e ntse e tsoelapele ka khoebo.

LEC e ja ho Basotho

Nthabeleng Seithheko

Ea tšoereng Molepo e le Mongoli oa Kampani Phepelo ea Motlakase Lesotho (LEC) Phoka Matete o balile tokomane ea molao e tsamaisang LEC e hlalosing hore Molula-Setulo oa Boto ea LEC a ka lefelloa litšenyehelo tsa maeto le bolulo nakong eo a ralang likopano tsa kampani. Litaba tsena li hlahetse tulong ea Komiti e Alosit-seng Tšebeliso ea Lichelete tsa Sechaba (PAC) ka la 17 Phupjane monongoaha.

Molula-Setulo oa PAC 'Machabana Lemphane Letsie o re boto e lokela ho etsa se nepahetseng malebana le litefello tsena, hobane haeba molula-setulo a e-na le litšenyehelo tseo a li entseng o etsa kopo ea tefo e joalo. A re litaba tsena tsa LEC li bohloko hobane LEC ha e na chelete e ja ho sechaba sa Basotho, ha ba tloha ba kopa ho eketsa litjeo tsa motlakase.

Molula-Setulo oa Boto LEC Thabo Khasipe o hlalositse hore h'a bala molao o ne a lumela hore o ntse a o latela kaha e se ra-molao, 'me ona hore o nepahale o hloka tlhaloso le ha ho le khotlaletso ea PAC e bile hore LEC e se batle



tlhaloso ea molao ho latela mathata a eona a lichelete.

Ke hona tulong ena, moo ho bileng ha hlahella ha M5 Million ea LEC e ile le metsi, LEC e re khoebo eo e re kileng 'software' e alosang limithara tsa motlakase ka marang-rang ho eona e qoetsoe, ha software eona e sa sebetse.

PAC e re ho latela liphuputso tsa eona, bookameli ba LEC bo ne bo hlatsoa chelete ka khoebo eo ea Mangaung Afrika-Boroa.

Litaba tsena li latela hore tulong ea la 16 Phupjane monongoaha, Thabo Khasipe, o re leano la meputso leo khamphani e le sebelisang ke la 2015 ho fapakanale la 2021 leo a hlalositse e le moralo feela o sa kang oa kenngoa tšebetsong.

O re LEC e na le moralo o le mong oa 2015, 'me ha

ho na bopaki bo teng bo bontšang ho na le khato e ileng ea etsoa ho kenya moralo oa 2021 tšebetsong, leano la 2015 le re motho a fuoe phapano ea 10% ho ea monga hae e le moputso. A re le bona e le boto ba ananela hore chelete ha e eo e ngata, 'me ho lokela ho fetola leano leo leha ba lokela ho ba le ponaletso.

Le teng ba lokela ba se ke ba hatikela Litokelo tsa Mantlha tsa Botho, b'a ananela hore phoso e bile teng kaha boto e sitiloe ho ananela leano la 2021, 'me e tla hlalosa leano la meputso nakong ea khoeli ho tloha ha joale le ke keng la tetebeletsa lichelete tsa kampani kaha lipuisano li se li phethetsoe le basebetsi. A re maikutlo ao boto e nang le ona ke hore ho latela boemo ba lichelete kahar'a LEC, ba lokela ho sebetse



ka thata.

Ho sa le joalo LEC e tobane le lipotso tse boima le ho se latele melao ea lichelete kamor'a ho senoloa hore e rekile thapo ea motlakase ea mofuta oa 4-core e sebelisitsoeng ka M1.2 Million ho tsoa kampaning ea lijo e QwaQwa, Afrika Boroa. Litaba tsena li hlahetse, tulong ea PAC ea la 18 Phupjane monongoaha.

Theko ena e etsahetse ka la 1 'Mesa monongoaha ka mokhoa oa ho khetha mofani a le mong ntle le tlholisano.

Batsamaisi ba LEC ba itširelelitse ka hore thapo eo e ne e sa fumanehe 'markeng ka likhoeli tse ngata, 'me maemo a potlakileng a ile a ba qobella ho reka moo e fumanehang teng.

Leha ho le joalo, Hlooho ea Lichelete e se e emisitsoe mosebetsing, 'Makabelo Matsoso o hanyelitse tlhaloso ena h'a ne a bua kapel'a PAC. A re o ne hana theko ena pele a emisoa mosebetsing ka khoeli ea Tlhakubele 2025.

Molula-Setulo oa PAC o nyatsitse khoebo ena ka matla, a botsa kamoo kampani ea lijo e ka rekisang lisebelisoa tsa motlakase tse sa fumanehang le ho bafani ba nang le mangolo.

A re taba ena e totobatsa litaba tsa ho hloka boikarabello, bofokoli tsamaisong ea theko ea thepa, le tlhokahalo ea hore LEC e hlah-

MOELETSI O TŠEHETSA BACHA

Tšeliso Thakholi

Kajeno re lakali-tse hore re ke re qoqe le bacha ba babeli ba sebet-sang ‘moho, empa ba e-na le likhoebo tse fapakaneng tseo ba iphelisang ka tsona. Sena ke mohlala o motle ho bacha hore ka litsebo tseo ba nang le tsona, ba kene sekolong kapa ba sa se kena ba ikopanye ho sebetša ‘moho ka morero oa ho iphelisa ba sa hiroa. Boipiletso ba rona bo bo-holo ke hore ‘muso o kenye letsoho le toma ho tšehetsa likhoebo tsa bacha, ho se lipehelo tsena tse boima tseo leha bacha ba e-na le litsebo tseo ba ka tsebang ho iphelisa ba sitoang ho li fihlela. Re ile ra buisana le Libuseng Rantho ea ro-kang mese ea lishoeshoe, ho boloka meroho le litlama tsa Sesotho ka ho li omisa le Lisebo Mohlaetoa ea lo-hang lijesi, limmete le ho etsa linkho tsa letsopa.

BOIKOPANYO

Lisebo Mohlaetoa le Li-buseng Rantho ba ko-pane ‘moho empa Rantho ke mohlalisi oa mese ea lishoeshoe le ho omisa meroho le litlama tsa Sesotho. Moroetsana enoa ea ntseng a le monyenane haholo lilemong o entse Foromo ea Bohlano, ‘me hajoale o ntse a ntšetsa lithuto tsa hae pele le Se-kolo sa Lithuto tsa Mahlale sa Limkokwing. Ha Lisebo a e-na le lengolo la Lithuto tsa Mahlale. Toro ea bona e’a tšoana ke ho theha feme e kholo eo ba e kopanetseng ea ho loha lijesi, ho etsa linkho tsa letsopa e le ho boloka nalane le ho etsa lihlahisoa tsohle joaloka mese ea lishoeshoe le tsa meroho le litlama tse omis-itsoeng, e le hore bacha ba bangata ba tle ba tsebe ho fumana mesebetsi.

PALO EA BASEBETSI

Hajoale ba sebetša ba le robeli feela, kaha likhoebo tsa bona li ntse li hola. Bo-beli bona bo motlotlo haholo ka seo ba se etsang kaha ba itšebetsa e bile e mong a ntse a ntšetsa pele lithu-to tsa hae. Ba hlalosa hore ho itšebetsa ke mosebetsi o monate haholo, feela o batlang motho ea nang le mamello, sebete, ho ba le lerato la seo motho a se et-sang le ho sebetša ka thata hore khoebo e atlehe. Ba-bacha bana ba ipabolang ka mosebetsi oa bona o motle, ba boletse hore ho ne ho se



bonolo ho qala likhoebo tsa mofuta ona kaha mofuta o mong oa khoebo, thepa eo ba e sebelisang e kenyelet-sang masela le likhoele tseo ba li fumaneng habobe ba li latang kantle ho naha. Empa haele mofuta ea meroho le litlama tseo ba li hlokanang ha li sokolise haholo papisong le tseo ba li se-belisang bakeng sa ho roka lishoeshoe. Le ha ho le joalo bacha bana ba re liqholotso tse ling tseo ba ileng ba ko-pana le tsona ha ba qala likhoebo tsa bona, e bile tlho-kahalo ea chelete kaha ba lata thepa e kang ea masela le likhoele kantle ho naha le ho rafa letsopa sebakeng

sa ho ba batlela ‘maraka ha ba qeta ho etsa thepa.

KHOLO EA BONA

Ba re kholong ea bona hae-sale e le batho ba nang le lerato la ho ithehela likhoe-bo, che le hoja ba ne ba sa tsebe hore na e ka ba tsa mofuta ofe, kaha ba ne ba rata mofuta o mong le o mong oa khoebo. Empa qe-tellong ba itjoetsa hore ba batla ho ikopanya e le hore ba tle ba tsebe ho fumana lithuso ha bonolo le hore likhoebo tsa bona li tsebe ho hola ka potlako. Ba re tlhase ena ea lerato la khoebo et-soa ho litichere tsa bona hoba batsoali ba bona, e ne e se batho ba khoebo ho

ea libuka ha ba ntse ba le Sekolong sa Mathomo le ho be sa le melomong ea bona kamehla ba bua ka khoebo, sena se ile sa etsa hore litichere tsa bona li hlo-komele hore e hlile ba na le lerato la khoebo. Ba re ba se ba ile ba kena lithupelo tse ngata, tsa ho ithuta ha-holo ka mesebetsi ea bona pele ba ka qala likhoebo.

Ba tiisa hore ha ba na takatso ho hang ea ho hiroa, kaha toro ea bona e le hore ka letsatsi le leng ba be ba e-na le feme e etsang mese ea lishoeshoe le ho boloka meroho le litlama tsa Sesotho. Se ba thabisang ke ho bona batho ba bangata ba

likhoebo tse nyenyane. Ba khotlaetsa hore ba ikopa-nye ka litsebo tsohle tseo ba nang le tsona. Ke ‘nete hore likhoebo tse ling li hlo-ka lithuso tsa lichelete tse boima empa ba iqalle tse bobebe, tse ke keng sa ba imela e sa le sethathong. Ba kopa bacha ho ba le mamel-lo kaha khoebo ke ntho e sokolisang haholo ha batho ba e-s’o e tloaele le ho tse-ba hore khoebo ea mofuta o joalo e teng.

Rantho o etsa mohlala ka eena hore h’a ne a qala khoebo ea ho omisa mero-ho le litlama tsa Sesotho, batho ba bangata ba ne ba hlile ba sa utloisisi hore



se hole haholo le moo ba sebeletsang teng. Empa ha b’a ka ba lahla tšepo ba ile ba ‘na ba tsoelapele ho fi-hlela ba fumana tšebetso ea lichelete ho tsoa ho e mong oa bahoebi kahar’a naha. Mohoebi enoa o boetse o ba tšehelitse haholo bakeng

hang.

LIKATLEHO TSA BONA

Ba re ka lebaka la ho sebet-sa hantle ho tse ling tsa lithuto tsa bona, tse neng li bonahala li sekametse litabeng tsa khoebo, e leng tse kang lipalo le poloko

rata ho reka thepa ea bona.

KELETSO HO BACHA

Ba eletsa bacha hore ka ntle le ho itšoarela ka mat-soho ha ho bophelo, ‘me bophelo bo matsohong a bona ha feela ba ka ema ka maoto ho loantša tlala le bofuma ka ho ithehela

na hantle o habile ho kae. Empa ka lebaka le lerato le ho ba le mamello kaha a ne a tseba moo a habileng, kajeno o bile le mohato oa pele oa ho ba le katleho. Ka hona bacha ba lokela ho tseba hore mamello e tsoa-la katleho.

Basebetsi ba Mazenod ba itlhahloba



hahloba ho bona hore tsela eo re ileng ra e sehelo ke phutheho eo, likhohola ha li'a hohola mobu tsa o lahlela hole. A re haeba e se e hohotsoe ke likhohola re tliilo e lekola ho bona hore na e ka tsamaea joang, 'me haeba e se e sa tsamaee re ka e lahla.

A supa hore 'moka ona o boetse o sebetse e le o akaretsang oa selemo oa basebetsi ba likampani e le moo ho tliilo fanoa ka litlaleho tsa lichelete ho bona hore na re se re khathile tema ha kae kaha selemo se secha sa lichelete se qalile. A leboha basebetsi ka ho sebetse ka thata le ho bontša boitelo ba bona. A ipiletsa ho bohle ho sebetse 'moho ka tlhompho le ka mofuthu molemong oa khohlo le kattleho ea Kampani ea habo bona.

Tšeliso Thakholi

Basebetsi ba Kampani ea Mazenod ba bile 'mokeng o akaretsang oa selemo oa letsatsi le le leng oo sepheo sa ona e neng e le boithlahlobo ba tšebetso ea selemo sa 2024/2025 ea mafapha a fapakaneng a Kampani. 'Moka ona o ne o tšoaretsoe Holong ea Setsi sa Liboka sa Maoblata, Mazenod ka la 16 Phupjane 2025.

'Moko-taba oa seboka sena sa boithlahlobo e ne e le ho arolelana maikutlo ka liqholotso tse 'maloa tse tjametseng Kampani ea bona tšebetsong ea eona ea letsatsi ka leng le ho shebisana mekhoha eo liqholot-

so tsena li ka rarolloang le ho arabeloa ka teng.

'Mokeng ona baokame-li ba mafapha a bopileng Kampani ea Mazenod e leng Lefapha la Thekiso ea Libuka, Moeletsi oa Basotho, Morokong le Khatisona ba ile ba fana ka litlaleho tsa tšebetso ea mafapha a bona tse bontšang khohlo, liqholotso le likhothaletso tse ka lateloang e le ho fihlela likattleho.

Mookameli-Kakaretso oa Kampani Fr. Koenane Stephen Molefi OMI puong ea hae ea kamohelo o supile hore 'mokeng ona ke moo re tliil'o ntšetsa pele boithlahlobo ba rona bo ileng ba qala phuthehong e bile ka la 6 Pherekhong monongoaha, e leng eona e ileng ea re sehela tsela ea hore na re lokela ho leba hokae

tšebetsong ea rona ea letsatsi ka leng.

A re joalokaha ho bile le

lintho tse 'maloa tse ileng tsa salla morao phuthehong e fetileng, kajeno re tliil'o itl-



Respect is everything

Humanity has lost its value and morals so much that whoever is in a position of power or has authority over others, most notably those who are financially superior than others automatically assume the position of an elder. They speak as they wish, they feel entitled to order others around, they are exempted from behaving their age, after all they hold a position. This type of behaviour is exacerbated by the general public's submission. The rest of us feel less of a human being than those we think are better off. In fact, we are disrespected because we create an enabling environment for the disrespect to grow. We allow people to order us

around, get humiliated and insulted for us it's fine so long as it is done by a person of a certain social status, we even feel they are within their rights to do so,

that's how much of a disrespect we are willing to take. If we don't demand respect, we will never be free and valued. Without respect we are literally nothing.



57396597

28 350 815

Mazenod PRINTING WORKS (Pty) Ltd

28 350 466

lesaoanat@gmail.com

Scan me

U se u ka fumana
Lifela Tsa Bakriste
ho marangrang a
boletsoeng ka tlase.

Get the Akello app on Play Store, App Store,
or Huawei App Gallery for Mazenod books
and more. Download now!

<https://library.akello.co/downloads>

Li imeloa ke palo e holimo



le Basotho ba nang le litsebo empa ho na le khaello e kholo ea lingaka e leng se etsang ka linako tse ling phano ea litšebeletso e be e seng ntle.

Mokhethoa oa Thaba-Phatšoa, Thabo Maretlane o supile hore sechaba se lokela ho fuoa litšebeletso tsa bophelo tsa boleng, tse arabelang lithoko tsa sona ebile e se hole le libakeng tseo ba phelang ho tsona. A re taba ena e entsoeng ke matsoalloa a Bangladesh e entse khahlametso e kholo bophelong ba sechaba.

Lebitsong la 'Musu oa Lesotho Letona la Khiri le Bosebetsi, Mohlomphehi Tšelisio Mokhosi o lebohile metsoalle eo ea Naha ea Lesotho ka ho kenya letsoho ntlafalong ea bophelo ba Basotho. O itse bophelo bo bottle ba sechaba ke bokamoso bo bottle ba naha hobane ha sechaba se phetse hantle batho bohle ba atleha ho nka liqeto tse nepahetseng.

Matsoalla ana a ile a nhelana ka ntlo e lokisitsoeng e neng e fefoloe ke moea, liaparo le lijo ho karolo e 'ngoe ea sechaba.



Nthabeleng Seithleko

Ke bonyane batho ba 300 ba uneng molemo litšebeletsong tsa bophelo le ho fumana limpho ho tsoa ho Mokhatlo oa Matsoalloa a Bangladesh Lesotho, Linotsing Leribe ka sepheo sa ho atametsa litšebeletso tsa bophelo sechabeng, ka la 16 Phupjane monongoaha.

Mongoli-Kakeretso oa Mokhatlo ona, Mirazur Rahman o re ho atametsa litšebeletso tsa bophelo sechabeng ho bohlokoa kaha ho

bontša tsotello le bonngoe mahareng a sechaba, ka hona ba leboha baoki le lingaka tse hlokomelang bophelo bo bottle ba sechaba ka linako tsohle. A re ba etsa sena hobane ba tseba hore sechaba se fumana litšebeletso tsa bophelo ka boima haholo se phelang ka lithabeng kaha ba le hole le Litsi tsa Bophelo.

A re mosebetsi ona e tla ba oa nako e telele kaha ba tl'o potoloha le litereke ho atameletsa Basotho litšebeletso esita le ho nanabetsa letsoho ho bahloki. A re ke takatso ea bona ke hore litšebeletso tseo ba fanang ka tsona li tlise phetoho bophelong ba Mosotho e

mong le e mong.

Lebitsong la Lekala la Bophelo Dr. Topu Puseletso o hlalositse hore khahlametso ea litšebeletso tsa bophelo sechabeng ha e tsoele sechaba molemo feela empa e thusa ho fokotsa palo ea batho ba bonang lingaka Litsing tsa Bophelo ka letsatsi. A re Leribe le na le khaello ea lingaka 'me Mokhatlo oa Lefatše oa Bophelo (WHO) o khothaletsa hore bonyane ngaka e bone bakuli ba 10,000 empa joale Leribe ngaka li bona bonyane bakuli ba 25, 000 ka hoo hona ke qholotso e kholo.

A re leha lekala le sebetse ka thata ho tlisa lingaka

Bophelo ba kelello le lithetefatsi

Nthabeleng Seithleko

Ele karolo ea boiteko ba ho matlafatsa karabelo ea naha khahlanong le tšebeliso e mpe ea lithetefatsi le joala, Lekala la Bophelo ka tšebeliso le Boemeli ba Naha ea Amerika hammoho le Mokhatlo oa Colombo Plan, le hlophisitse koetliso ea libeke tse peli bakeng sa litsebi tsa bophelo ba kelello, e qalileng ka la 17 Phupjane monongoaha.

H'a bula 'moka ona, Lillian Mokhesi ho hlaha Lekaleng la Bophelo o itse naha e tobane le bothata bo ntseng bo hola ba tšebeliso ea lithetefatsi. O ile a hlakisa hore ho na le tlhokahalo e potlakileng ea litsebi tse koetlisitsoeng hantle ho thusa batho le sechaba ka kakaretso. A phaella ka hore koetliso ena e tšehetsa merero ea naha ea ho ntlafatsa lits'ebeletso tsa bophelo ba



kelello.

Pontšo Tumisi ho hlaha Mokhatlong oa Mokhosi oa 'M'a Ngoana o hlalositse hore tona-kholo o thehile sehlopha se tla tsamaisa leano la ho loantša lithetefatsi. A hlalosa hore koetliso ena e bile e 'ngoe ea lithahiso tse ka sehloohong tse neng li entsoe, e ikemiselit-seng ho matlafatsa litšebeletso tsa kalafo le ho theha litsi tse tla thusa batho ba sebelisang lithetefatsi ho

li tlohela.

A re tšebeliso e mpe ea lithetefatsi ke qholotso e

kholo bacheng, 'me e ama kholo ea bona le bophelo bo bottle ba kelello. A re ka koetliso ena ba tla tseba ho fana ka thuto le kutloisiso sechabeng.

Jullion Cooper oa Boemeli ba Amerika o totobalitse tšenyo e tebileng eo tšebeliso ea lithetefatsi e amang sechaba le moruo. A re tšebeliso 'moho ea machabeng e bohlokoa haholo 'me a thoholetsa lenaneo lena ka le reng le tl'o thusa ntlafalong ea bophelo bo bottle ba sechaba. O re 'Musu oa Amerika o tla tsoelapele ho tšehetsa Lesotho ho ntlafatsa litaba tsa bophelo bo bottle.

E mong oa ba nkileng karolo koetlisong, Tšepiso Nkopane eo e leng mosebetsi oa tsa bophelo, o itse koetliso ena e tlo fetola bophelo ba bona kaha e ba thusa ho utloisisa ka botebo lehlakore la bongaka le la kelello mabapi le lithetefatsi. A boela a ipiletsa hore ho thehoe litsi tse ngata tse thusang batho ba sebelisang lithetefatsi.

Koetliso ena e latetse Universal Treatment Curriculum (UTC), 'me e bokelletse 'moho basebetsi ba tsa bophelo, baeletsi, baoki le lingaka tsa kelello ho tloha libakeng tse fapakaneng tsa Lesotho.



Maano a buang ka bana a tšehetsoe

Nthabeleng Seitlheko

Moloaneli oa Litokelo tsa bana, Adv. 'Matalenta Pheko o re 'muso o lokela ho behella ka thoko chelete e tšehetsang maano a bana le boiketlo ba bona e le ho kenya letsoho tšireletsong ea litokelo tsa bona. Litaba tsena, o li hlalositse ka la 16 Phupjane monongoaha, e le ho tšoea Letsatsi la Lefatše la Ngoan'a Mo-Afrika.

O re ho sa natsoe liqholotso tseo bana ba ntseng ba thulana le tsona tse kenyeletsang lenyalo la bana ba tlaase lilemong le lithekefetso kahar'e ho naha, melao le maano a teng a matla ho loantša liqholotso tsena empa melao eo ha e na thuso ha feela ho se chelete e tla a matlafatsa hore a kene tšebetsong e le hore thuto e ne e fetisetsoe sechabeng.

O re boteng ba chelete bo ba thusa ho ntšetsapele litaba tsa thuto ho kenyeletsa bana ba nang le bokooa le ho etsa bonnete ba hore litlhoko tsa bona hore li'a arabeloa. A re ha joale 'muso o lokela ho bona hore likolo tsohle li ba le bahlabolli kaha ho bonahetse hore bana ba bangata ba na le khatello ea maikutlo. A re se bakang litaba tsena ke litlhalano tsa ka malapeng le liqabang kaha li ama kholo ea bana.

Ka lehlakoreng le leng, Mookameli Ofising ea Tšireletso le Polokeho ea Bana, Lekaleng la Tekano, Bacha le Ntšetsopele ea Sechaba, Mookho Motheo Lekhanya o itse polokeho ea ngoana e mong le e mong ke ntho ea bohlokoa, e bile ngoana ke sechaba sa kamoso sa naha efe kapa efe ka hona o lokela ho boulelloa, ho bolokeha le ho sireletsoa.

A re ba tšoea ka mathe lithekefetso tsa mofuta e fapakaneng tse etsetsoang bana le ho khothaletsa sechaba ho tlaheha litaba tseo ba sebelisa mohala oa tlokotsi oa bana e leng 116 le ho letsetsa sepolesa ho mohala oa nthuseng oa 112, ona o tla lla haufi le sepolesa se motseng moo motho a kopang thuso. O re batho bohle ba lokela ho nka boikarabello ba nene tlhekefetso le ho bona hore



bana b'a bolokeha metseng kaha e le karolo ea bophelo bo botle ba sechaba sa kamoso.

E mong oa bacha ba fanang ka thuto ka litaba tsa bana, 'Masetene Phatšoane o hlalositse hore ngoana e mong le e mong o na le tokelo ea ho phela

ka bolokolohi, a sirelelitsoe ke melao ea naha ea habo. A re joalo ka mang le mang ba na le litokelo empa tse tsamaeang le boikarabello. O re ba ithutile hore melao e teng, batho ba haelloa ke tsebo ea eona ka hoo ho bohlokoa hore sechaba se fuoe thuto e le ho nka boi-

ea eona ea la 16 Phupjane monongoaha. E re 'Muso oa Lesotho o akofise lipuisano lipakeng tsa oona le Amer-

karabello kholong ea bana. O re letsatsi lena le ba hopola boikarabello ba bona e le bana empa hape le hopotsa mebuso ka tlhokomelo ea bana 'me ho bohlokoa hore mebuso e tšehetse mekhatlo ea batho ba fanang ka thuto ka litaba tsa bana ka lichelete hore thuto

sechaba se tli'o ba tlokotsing le Basotho ba tli'o tobana le mathata a tlala. Ha Mongoli-Kakaretso

e anele sechaba sohle. Letsatsi la Machaba la Ngoana oa Mo-Afrika le ketekoa selemo le selemo, ka la 16 Phupjane 'me monongoaha le ketekoa tlasa mohoo oa "Ho rala le ho beha chelete e tla arabela litokelo tsa mantlha tsa bana."

sa bosebetsi metsi ka moeli le bahiri ho nena liqeto tsa Makhotla. A re kaha 'muso o ile oa itlama ho nyolla me-

putso ea marena o lokela ho kenya taba eo tšebetsong hore sechaba se se amehe. O supile hore mokhatlo ke molomo oa sechaba sefe kapa sefe, 'me a ipiletsa hore bohle ba abeloe toka.

FELETU e re 'muso o phethahatse litumellano

Nthabeleng Seitlheko

Mongoli-Kakaretso oa 'Mamekhatlo ea Basebetsi Lesotho FELETU, Letsatsi Ntsibolane o re mokhatlo oa habo o tšoenyehile haholo ke ho se phethahatsoe ha litumellano tsa marena le 'Muso oa Lesotho tse entsoeng Lekhotleng la Thibelo le Tharollo ea Likhang tsa Basebetsi tse kenyelletsang hore nyollo ea meputso ea bona e kene tšebetsong, hoba taba ea ho se ikobe eona ke 'muso e raha Basotho maling a mpa.

Puisanong ka mohala le Koranta ka la 17 Phupjane monongoaha, o hlalositse hore taba ena e tla kenyetsoa batho metsi ka moemeli le ho se hlompheue ha melao. A re ha Lekhotla la Bosebetsi le entse qeto e lokela ho hlonephshoa hobane hohle ba lokela ho abeloa toka.

FELETU e re le basebeletsi ba tsa bophelo metseng ba fuoe chelete polelong



ika ka sepheo sa ho boloka mesebetsi ea baahi ba naha ena ba ka holimo ho 10, 005 e felileng ha e meng e le mathuleng a ho fela.


O re e bang 'muso o sebetse taba ena ka lesisitheho

oa Mokhatlo oa Basebetsi (CMQ), Robert Mokhalane a hlalositse hore ho bohlokoa hore 'muso o hlomphe liqeto tsohle tsa Makhotla a naha kaha ho se etse joalo ho tla kenyet-



MoB KIDDS EDUTAINMENT

Puzzle MoB 93-4590



Across

- 1 "Phalo e eme le lesemela" ketso e bontšang... (5)
- 7 Linangoana tse thata tse omeletseng lekokong (8)
- 9 Mohomana o sebelisoang ho fala lekoko. (5)
- 10 Sebataolo kapa sebaka se setseng tšimong ha ho lengoa. (10)
- 12 Ea hlokomelang bakuli. (5)
- 13 'Moko-tabā (5)
- 14 Motho ea phekolang mafu. (5)
- 15 Botala bo folakheng ea naha bo bolelang. (4)
- 16 Meriana ea Sesotho. (9)


Down

- 2 Noka ea Phuthiatsana e fumaneha Maseru le..... (8)
- 3 Khanya ea letsatsi e bitsoa ka hore letsatsi le se le fubelitsoe se ntse le tlo hlaha. (6)
- 4 Mefopholi e theohileng kantle ho lefisoana le tšetseng joala ha bo ntse bo khuoa ka mohope ho tšella ba noang. (9)
- 5 Motho ea fuputsang litaba. (9)
- 6 Lebatooa la nomoro ea mashome a mabeli ho latela ka Komisi e

- Ikemetseng ea Likhetho. (10)
- 8 Lebatooa la lipolotiki Seterekeng sa Botha-Bothe. (10)
- 11 Mofuta oa sephafi (6)

THAROLLO

MoB 93-4588





TSA KEREKE

LCBC e keteka le Babishopo

Tšeliso Thakholi

Seboka sa Babishopo ba Kereke e Katholike Lesotho(LC-BC) se lumelisitse Mobishopo Augustinus Bane OMI ea seng a ile phomolong le ho amohela kahare ho Seboka, Mobishopo e mocha oa Tikoloho ea Leribe, Mohlomphehi Vitalis Marole OMI, litšebeletsong tse neng li tšoaretsoe mabaleng a LCBC, Maseru mafelong a beke a

joalo. A re joaloka Mohalaleli Anthony oa Purduoa eo e leng mohlala oa pitsa ea letsopa e tletseng letlotlo hobane a ne a le bohlae bo sa tloaelehang, lentsoe la hae le ne le biletsa batho pakong le ho etsa hore ba khutlele ho Morena Molimo, “empa le teng re lemohe hore o ne a ikokobeletsa Molimo. A tseba hore bohlae le matla a hae ke mpho ea Molimo ho eena.” A re ka mokhoa o tšoanang

rona re talime Kriste.” Molula-Setulo oa LCBC, Mobishopo Joseph Sephamola OMI o lebohile Mobishopo Bane ka bosebesele ba hae kahare ho Seboka. A supa hore o sebelitse ka boitelo le ka lerato kaha kamehla o ne a se lesisitheho ho thusetsa hohle moo ho hlokalang. A re a mang a makhabane ao a nang le ona ke ho ba le boikokobetso le ho ba motho ea bonolo. “Ka ho khetholoha e ne e le motho ea neng



tsoa feta. Litšebeletso tsena li ile tsa qala ka Sehlabelo se Halalelang sa ‘Missa, moo Mobishopo oa Tikoloho ea Mohale’s Hoek Mohlomphehi John Joale Tlhomola SCP khothat-song ea hae a ileng a leboha Morena Molimo ka tsohle tseo a ba etselitseng tsona. A re Mangolo a Halalelang kamehla a ba hopotsa hore mosebetsi oa bahlanka ba Morena Molimo ha ba o etse ka matla a bona empa ka matla a Moea o Halalelang. A re Mobishopo Vitalis Marole OMI o tlike kahare ho bona e le setšelo sa letsopa se tletseng letlotlo la Kriste, ‘me haele Mobishopo Bane ea seng a behile meja fatše o sebelitse ka botšephehi joaloka sona setšelo seo sa letsopa se tletseng letlotlo la morati oa Jesu Kriste e leng Moea o Halalelang. “Joale ke hore na rona re reng re le sechaba sa Basotho. Ha re bue joaloka batho ba hlohang tšepo, ‘me puo ea rona e re Molimo ke eena matla a rona.” O boletse

ho bahlomphehi ba babeli makhabane a bona a tšoana le a Mohalaleli Anthony kaha ba bilelitsoe ho ruta ka bohlae le ka boikokobetso. A bontša hore ba boetse ba bilelitsoe ho ruta ‘nete hobane ke lesele le isang pholohong, “etsoe lentsoe la Evangeli le’a re hopotsa hore bohle re bitselitsoe tlhoekong, e seng feela ka liketso empa le ka lipolelo tsa rona.” A qetella ka ho leboha Mobishopo Bane ka ho ba mohlala o motle oa botšephehi bosebeseletsing ba hae, “haele Mobishopo Marole eo e leng mobishopo e mocha eo re ketekelang bocha ba hau, Morena o mema ho tsamaea tseleng ena ea bohloeki ka bophelo ba qenehelo, ka ho iphana ho feletseng. Empa ka Anthony ea Halalelang re rapela hore re fuoe mahlo a hloekileng, maikutlo le pelo ho sebeletsa mohlape oa Morena o behiloeng boliseng ba rona le kalosong ea rona, re etsa joalo ka lerato, toka le boikokobetso. Metsamaong ea

a atamelehang ha bobebe.” A tiisa hore le ha e le mona a ile phomolong e ntse e le karolo ea Seboka, ‘me ba se ba tlii’o sebetse e le babishopo ba bahlano. Ka ho Mobishopo e mocha teng, o itse ba mo amohela ka liatla tse peli, ka lineo tsohle tseo a nang le tsona, ‘me ka tsona Kereke ea Morena Molimo e tlii’o atleha. Mobishopo Bane o lebohile tšebeliso ‘moho e mofuthu e bileng teng lipakeng tsa hae le Botsamaisi ba Seboka. A thoholetsa tšebetso ea bona e bileng matla ka linako tsohle, nakong ea bosebeseletsi ba hae, ‘me a tšepisa ho tsolapele ho sebeletsa Seboka ka bokhabane. Ka mokhoa o tšoanang Mobishopo e mocha Mohlomphehi Marole o lebohile Morena Molimo, basebeletsi ba Seboka le botsamaisi ba sona ka kamohelo e mofuthu eo ba mo amohetseng ka eona. A leboha tataiso eo ba ileng ba mo fa eona ho mo thusa ho utloisisa hantle mosebetsi oa hae kahare ho tsamaiso ea sona.



2024-2025 SELEMO C

MOKETE-MOLIMO



Genese 14:18-20
Pesalema 109
1 Ba-Korinthe 11:23-26
Luka 9:11-17



Khothatso

Kriste o teng ka ho botlalo

Morero oa mokete ona ke ho pakahatsa boteng ba Jesu Kriste Sakramenteng e Halalelang ea Eukariste, ‘me ona o ile oa qalooa ke Mopapa Urban IV ka selemo sa 1264. Lipalo tsona li re thusa ho sheba ka botebo bohlokoa ba ona, hape li bontša karolo e kholo eo Sakramente ea Eukariste e e bapalang Bokristeng. Makatholike o hopotsoa ho shebisisa ka botebo hore na Eukariste e etsang bophelong ba bona ba tumelo. Eukariste ke pelo ea Bokriste, ‘me esale e le mohloli o moholo oa lijo tsa moea ho tloha mengoaheng ea mengoaha. E nkoa e le “mohloli e bile ke sehlohlolo sa bophelo ba Sekriste” (Lumen Gentium no. 11), sena se bontša ka mokhoa o hlakileng karolo ea eona tabeng ea tumelo. E tliša Kriste haufi le balumeli, e leng mpho e halalelang. E matlafatsa bakriste leetong la bona la moea, hape e tebisa likamano tsa bona le Kriste e leng moo ba fumanang matla tseleng ena. Sakramente ena e na le matla a ho kopanya balumeli le Kriste ‘moho le bona ka bo-bona. E aha moea oa bonngoe le oa borapeli, ‘me sena ke motheho oa tumelo joalokaha Eukariste e kopanya batho ‘moho. Bakriste ba kopana le Kriste ea phelang Eukaristeng, joale ba fumana monyetla oa ho ba le likamano tse tebileng le Mopholosi oa bona. Kopano ena e’a ba fetola, e ba tataisetsa leetong le lokelang la tumelo. Lipono tsa Juliana oa Liege ea Halalelang ka selemo sa 1209 ke motheho oa Mokete-Molimo, hobane ka lebaka la lerato la hae ho Eukariste e Halalelang Mopapa Urban IV o ile a theha mokete ona. Thomas Aquinas ea Halalelang eo e leng sengoli sa thuto-molimo o ile a ngola lingolooa mabapi le mokete ona a li ngolla Mopapa Urban IV. Lifela tsa hae tse kang “Lauda Sion,” li bohlokoa haholo moketeng ona hobane li thusa ketekelo e tebileng. Moketeng ona re ithuta bohlokoa ba ho fetoha ha bohobe le veini ho ‘Mele le Mali a Kriste, ‘me taba ha se setšoantšo feela empa ke ‘nete e thusang tumelo e Katholike. Katekisima ea Kereke e Katholike e re, “Boteng ba Kriste bohobeng le veining bo ikhethile, ke moo Kriste, Motho-Molimo a leng teng ka bo-eena ka ho tšala.” (CCC 1374) Ho na le nako eo ho bang le thapelo e khethileng ea ho adora Eukariste e le eona feela ho se Sehlabelo se Halalelang sa ‘Missa; thapelo ena e thusa haholo hore Bakriste ba be le kopano le Kriste ea leng teng kapel’a bona. E boetse e thusa kholong ea moea le likamano lipakeng tsa Bakriste. Bakriste ba boela ba huleloa ho Kriste ka thapelo, boinahano ‘moho le lisakramente. Ketekelo ena e boela e re hopotse hore hohle moo re tsamaeang teng re na le Kriste, ‘me joaloka ka Makatholike re lebeletsoe ho bontša lerato, kutloelo-bohloko le ho etsa lihlabelo joaloka Kriste. Sena ke karolo e kholo ea tumelo ea rona. Ka ho nka karolo mona re hopotsoa tokelo ea rona ea ho matlafatsa ba bang ka ho phela lithuto tsa Eukariste kamehla. Ka ho etsa tsena lerato la Kriste e ba la ‘nete liketsong le lipolelong tsa rona. Re biletsoa ho sebeletsa ka ho loka, botšephehi le lerato e le ho etsa bonnete ba hore mosebetsi oa Kriste o’a phela. Re tliša lera-to le pholoho ea hae lefatšeng le li hlohang e le kannete le ka tieo.

Bahalaleli har’a Beke

23	Phupjane	Josefa Cafasso
24	Phupjane	Tsoalo ea Joanese Mohlatsoi
25	Phupjane	Selyf
26	Phupjane	Alexndra
27	Phupjane	PELO E TLOTLEHANG EA JESU
28	Phupjane	Egilo

Se tšepisa batšehetsi

Tšeliso Thakholi

Sehlopha sa Bolo ea Maoto sa Monneng se fane ka tšepo e kholo ho barati le batšehetsi ba sona ea hore ntse se na le monyetla o moholo oa ho hlola lipapali tsa sona tse tlang tsa Mohope oa Winter Charity Cup, o ntseng o tsoelapele Lebaleng la Malakabe tikolohong ea Mazenod kamor'a bapala ka seahlolo sa 2-2 le Black Boyz papaling e neng e khahla mahlo e bileng ka Sontaha sa la 15 Phupjane 2025.

Ho ea ka barati le batšehetsi sehlopha se bonahe-tse se ile sa itokisetsa papali ena haholo, ho latela ka moo se neng se bapala hantle ka teng, empa haele ho e hapa joalokaha e ne e le morero oa sona lintho ha li'a ka tsa tsamaea ho latela litakatso tsa bona.

Empa le ha ho le joalo, ba re sehlopha seo ba tlang ho bapala le sona mafelong ana beke ba tlii'o intšetsa malokobe ho



sona. "Ha ho potang ntate se tla tlameha ho utloa ka letlalo." Ba boletse joalo ba bile ba thoholetsa mletsaphala ea neng a tsamaisa papali ena, kaha a ne a etsa liqeto tse nepahetseng ka nako e nepahetseng, a ipapisitse haholo le melao le melaoana e mecha e tsamaisang papali ea bolo ea maoto.

Ba re leha e le mona ba bapetse ka ho lekana papaling ea bona ea pele, ba tletse ka morolo le tšepo ea hore Monneng e tlii'o

ba ka hara lihlopha tse 'ne tse tlang ho tseka Mohope ona, o bapaloang selemo le selemo nakong ena eo liliki tsa lihlopha li khelitseng le likolo li koetsoe. Ba tiisa tšepo ea bona ke hore ba bone boikitlaetso ba sehlopha le ho bontša lenyora la tlhoho.

Ba qetella ka hore papali ena e bile bohlokoa haholo ho bona kaha e le eona seipone sa hore na ba fokola ho kae le ho ba matla ho kae, 'me bakoetlisi ba tsoanela ho matlafatsa se-

hlopha sa bona likarolong life tsa papali. Sehlopha sa Monneng ke sona feela se nang le pina ea sona eo e reng kamehla pele se qala ho bapala, se e bina joaloka sehlopha se seholo sa Bantu 'A Matšo Matebele' sa Mafeteng, empa ea sona e qabola babohi haholo hoba ba e bina ka puo e sa tloaelehang.

Ho sa le joalo tse ileng tsa bapala letsatsing leo la Sontaha ke moo Thotamoli e ileng ea tsoa ka lesoba la nale ha e ne e hlohlora SWALDEV ka thupa e bohloko ea 1-0. All-4Joy ea pola Whatsapp ka phafa ea 2-0 ha Mabetlela e ile ea khakhatha ka mabetlela ntle ho qenehe-lo sehlopha sa Classic ka 3-0.



LUFA e itokisetsa litlholisano

Tšeliso Thakholi

Sehlopha sa Bolo ea Maoto sa Basali sa Ladybugs United Football Academy (LUFA) sa tikoloho ea Ha Ngoatonyane, boitokisetsong ba sona ba ho chorisana linaka bakeng sa litlholisano tse ncha tsa bahlankana le baroetsana tsa Mohope oa Unity Festival Soccer Tournament (UFST), tse tlii'o thakhohla Lebaleng la Lavita haufi le Boema-Fo-

fane ba Moshoeshoe I, ho tloha ka la 20 ho isa la 22 Phupjane monongoaha se ile sa inonya matla ka ho teteka sa Rural Stars Ladies ka phafa ea 5-0.

Se makalitseng barati le batšehetsi ba bangata ba bolo ea maoto ea basali ke hore LUFA e tlii'o thakhohla litlholisano tsena ka ho tla boela e bapala le Rural Stars Ladies Mokhahlelong oa B, eo e ileng ea e tokhot-sa habohloko lipapaling tsa setsoalle. Potso e kholo eo barati ba bolo ba ipotsang



eona ke hore na lekhetlong lena, na LUFA e tla o besa o tuke? Ha re tsebe empa re se re tla boka ha li oroha! Hofihlela hajoale likhalala tsena tsa bolo ea maoto ea basali, li se li bapetse lipapali tse 'maloa tsa setsoalle e le ho ithlhophele litlholisano tsena 'me ha li e-s'o hloloe kaha maikemisetsa a le maholo a ho iphumana li hapile mohope ona o sa leng moha haholo.

Puisanong le e mong oa bahlophisi ba UFST e bile e le Mokoetlisi ea hloahloa oa LUFA, Monghali Selialia Se-

lialia o boletse hore sepheo se seholo sa litlholisano tsena tse seng li tla tsoaroa selemo le selemo ke ho thusa bana ho qoba litlolo tsa molao le ho 'na ba nyolosa ba theosa nakong ena ea phomolo e telele ea Mariha.

A re ba ile ba hlokomela hore nakong ena ea phomolo, bacha ba fumana nako e ngata eo ka nako e 'ngoe ba qetellang ba e sebelisa hampe ka ho etsa liqeto tse fosahetseng, tse ka senyang le ho silafatsa bophelo ba bona. A re ba ile ba bona ho le bohlokoa haholo ho ba

thelaha lipapali tsa mofuta ona, e le ho boetse ba ba betlela bokamoso ba bona ka ho matlafatsa litalenta tsa bona. A bontša hore li boetse li aha bonngoe le ho phahamisa lerato la papali ea bolo.

A re lipapali tsena li kenetsoe ke banana le bashanyana ba lilemo li 15 ho ea holimo, ba lihlopha tse supileng tse kenyeletsa sehlopha sa baeti sa Thaba-Tseka United Ladies ho tsoa Seterekeng sa Thaba-Tseka, ebe tse tšeletseng tsa litikoloho tsa Masianokeng, Mazenod, Ha Ngoatonyane le Qeme e leng MSA, LUFA, All-U, FSA, PMA le RS. A qetella ka ho ipiletsa ho batsoali ho lokolla bana le ho ba teng ho tla tšehetsa lipapali tsena kaha boteng ba bona bo ka tsosa morolo o moholo ho bana. A hlokomelisa batsoali bohle le sechaba se tlang ho ba teng lipapaling tsena hore haele joala le tšebeliso ea koae ha li'a lumelloa ho hang kaha e ka ba thuto e kotsi haholo baneng.



Lihlopha li'a ikatela



Tšeliso Thakholi

Ele ho itokisetsa lipapali tsa Liki e Kholo tsa selemo se secha sa lipapali tsa 2025/2026, se tliil' o thoasa ka khoeli ea Phato monongoaha, lihlopha tsa bolo ea maoto tsa Liki e Kholo e leng Bantu, Lioli le Matlama li qalile ho roalla le sa sele ka ho khetha bakoetlisi ba bacha ba tlang ho qala selemo se secha hantle le lihlopha tsa bona. Ha ka lehlakoreng le leng Sehlopha sa Linare se ntse se tsoma mokoetlisi ea tlang ho koala sekheo se ileng sa siuoa ke Monghali Bob Mafoso ea seng a koetlisa African Stars ea Naha ea Namibia.

Sehlopha se ileng sa tuma ka ho hapa mehope ea liki le ka papali ea sona e tsoileng matsoho sa Bantu, se tekenne tumellano ea konteraka ea lilemo tse peli

le mokoetlisi ea entseng nalane e ntle papaling ea bolo ea maoto, e leng Monghali Motheo Mohapi ka ho hapa liki makhetlo a mabeli ka tatellano sehlopheng sa Lioli. Motheo o tliil' o sebetsa 'moho le sebakali sa mehleng sa Likhopo e bile e kile ea e-ba moetapele oa Sehlopha sa Naha Likuenta Monghali Bokang Mothoana.

Haele bompoli ba bolo ea maoto ba neng ba sireletsa Mohope oa Liki e Kholo, e leng Lioli 'Tse Nala', ba khethile Monghali Bongani Maseko ho tsoa Naheng ea Afrika Boroa ea seng a qalile mosebetsing oa hae ka ho hapa Mohope oa TJ Nthane Tournament, ho ba mokoetlisi e mocha ea nkileng marapo ho tsoa ho Mokoetlisi Motheo Mohapi.

Athe sehlopha sa Matlama sona se khethile mokoetlisi oa Sehlopha sa Naha sa Mehalalitsoe, Monghali Shalane Lehohla ho

ba mokoetlisi oa sona. O tliil' o sebetsa 'moho le Dlo-mo Monaphathi, Matsoai Shokhoe le Tefo Maipato. Lehohla o kena lieteng tsa

Halemakale Mahlaha ea ileng a sebetsa ka thata ho beha sehlopha sa matlama maamong a bobeli lokong selemong sa lipapali tse

tsoa feta.

Bakoetlisi bana kaofela ba filoe mesebetsi ena ka lipehelo tse batlang li tšoa-na tse kang tsa ho sebetsana le ho aha lihlopha tsa bona, ho hapa mehope empa ka ho khetholoha oa Liki e Kholo. Ha lehlakoreng le leng lihlopha tse ling li ntse li lokolla le ho amohela libapali tse ncha ho kena lihlopheng tsa tsona. Ho sa le joalo mokoetlisi oa LMPS 'Semonye' Monghali Tiisetso Molete eo e bileng mokoetlisi oa sehlopha seo nako ea lilemo tse robong, o tlahloa a itokollotse ka 'Mantaha bekeng ena.

Litsebi tsa papali ea bolo ea maoto li re liphetho tse-na tse ngata hakana tsa bakoetlisi, tebello ea tsona ke ho tla beha liki ea selemo se secha maamong a holimo, e leng se tla thusa ho matlafatsa sehlopha se seholo sa Likuenta.



Berea e thakhisa Hlotse

Tšeliso Thakholi

Mokhethoa oa libapali tse tšeletseng tsa Hlotse Seter-ekeng sa Leribe oa papali ea Senuka o hlotsoe ho hapa chelete a kaalo ka M10,000.00 kamor'a ho shapuo ke sehlopha se secha se nang le selemo feela se thehiloe sa Mokhethoa oa Berea, papaling e neng e bapalloa TY, Berea ka Moqebelo oa la 14 Phupjane monongoaha moo lihlopha ka bobeli li neng li tšehelitsoe ke e mong oa bahoebi

ba lebenkele la lijo le lino ka morero oa ho holisa le ho theha lihlopha tse ncha tsa papali ea Senuka.

Ho ea ka phala ea Mokhethoa oa Hlotse, Monghali Tšepo Ntabenyane, lena e ne e le lekhetlo la bona la bobeli ba ba le litlholisano tse tšoanang le Mokhethoa oa Berea. Ntabenyane o re litlholisanong tsa pele tse bileng Hlotse, Leribe ka Phupjane ngoahola ba ile ba hapa chelete eo kaha ba ile ba hlola Mokhethoa oa Berea ka ho ipabola haholo ka papali ea bona e tsoileng matsoho.

A bontša hore ha ba bo-

pile mokhethoa tjena ba ne ba entse bonnete ba hore ba nkile libapali tse hloahloa haholo, tseo tšepo eohle e neng e le hore li tla ba tlela le tlhola, "haholo ba bang ba bapala Liki hona Maseru mono." A re joaloka pele ha ho ne ho ka etsahala hore ba hape papali eo, chelete eo e ne e sa tl'o oela ka mokotleng oa bona, empa sehlopha se ne se tliil' o imona menoana ka eona.

A re joaloka ngoahola sebakali ka seng se ne se tliil' o iphumanela chelete e kaalo ka M1,600.00 ho ea phetha mabaka a sona. "Re se re tla boela re leka hape isao. Re leboha botšehetsi ba li-

papali tsena haholo kaha ka chelete eo re e fumanang lipapaling tsa mofuta ona e tliša phetoho e kholo bophelong ba rona." Ke Ntabenyane eo.

Pele ho litlholisano tseo Ntabenyane o ne a ile a re sehlopha se tla hapa se tla fumana M10,000.00, 'me seo ke sesupo sa hore ha ba ne ba ka hlola ba ne ba tla e pokothela chelete eo lekhetlo la bobeli. A re lebaka leo ho tloha sethathong ba entseng mokhethoa oo e saleng o bapala le Mokhethoa oa Berea, ke hobane ba ntse ba matlafatsa libapali tsa bona le ho nka malebela kaha morero o moholo

ke ho tla theha Sehlopha sa Papali ea Senuka seo ba batlang ho tla se ngolisa Liking e Kholo ea lipapali tsa Senuka.

A qetella ka hore morero o mong e ne e boetse e le ho hlokomelisa sechaba hore papali ea Senuka ke papali joaloka tse ling, 'me e na le melao le tsamaiso ea teng. "Batho ba bangata ba nahana hore Senuka ke ho itlosa bolutu matlong a thitelo. Taba eo ha se 'nete empa lebaka le lehlole le etsang hore re iphumane hangata re bapalla matlong a thitelo ke qholotso e kholo ea tlhokahalo ea mabala a papali ea Senuka kahar'a naha. Empa le teng leha re ntse re bapalla libakeng tsa mofuta ona re ntse re hlompha melao e re tsamaisang." A rialo.

'Muso o khoehlisa litomo

Nthabeleng Seithleko

Tona - Kholo Ntsokoane Matekane o phatlalitse mehato e meholo ea ho loantša tlhokahalo ea mesebetsi kahar'a bacha, ho kenyeletsa ho felisoa ha litefiso tsa lengolo bakeng sa Likhoebo tse Nyenyane le tse Mahareng (SMEs) tse ngolisang ho Lekala la Khoebo. O boletse tsena, Holong ea Liboka ea 'Manthabiseng, Maseru ka la 18 Phupjane monongoaha sebokeng sa puisano le bacha.

O boletse hore bacha ba qalang likhoebo ba tla qala ho lefa lipakeng tsa M0 le M5, 000.00 bakeng sa ho kenela boiketo ba mesebetsi e meholo ea 'muso e leng phokotso e kholo ho tloha mehleng eo ba neng ba lefa lipakeng tsa M2, 000.00 le M5, 000.00. Ho feta moo, bacha ba tla fua tokoloho ea ho qala likhoebo libakeng life kapa life ntle le meeli.

Tona-Kholo o boetse a totobatsa mananeo a seng a ntse a sebetsa a matlafatsang bacha, ho kenyeletsa Sebatso, e kopanyang



bacha ba Lesotho le lithaka tsa bona tsa machaba ka Youth Connekt platform, ho arolelana maikutlo le ho hloisa likhoebo.

Ho tšehetsa menyetla ea moruo, 'muso o tla theha 'Maraka oa Bacha o tla tsoaroa beke le beke ka Moqebelo le Sontaha seabakeng se khethiloeng, moo bacha ba tla bontša lihlahisoa le litšebeliso tsa bona.

Liphetoho tsena li bontša boitlamo ba 'muso ba ho

theha tikoloho e loketseng ho hola ha likhoebo tse etelletsoeng pele ke bacha, le ho fokotsa litšitiso tse ba thibelang ho nka karolo moruong oa naha.

O tsoetsepele hore 'muso ka Setsi sa Likoluoa (DMA) o tla phatlalatsa tlhokahalo ea mesebetsi har'a bacha e le koluo. A re Lekala la Khoebo le tla nolofatsa hore bacha ba qale likhoebo ka potlako le bonolo. Litokomane tsa boiketo ba meseb-

etsi e meholo ea 'muso ha li sa tla rekoa, li tla fumaneha mahala marang-rang ho mang kapa mang ea li hlokanang. Bahoebi ha ba sa tla hloka ho fana ka konteraka ea moaho ha ba ngolisa likhoebo tsa bona.

E mong oa bacha ba bileng 'mokeng ona, Tumele Moteuli o hlalositse hore seo ba se hlokanang ke bo-phethahatsi hobane boitlhaloso ba 'muso ba bo utloa. A re lintho tse ngata li ka et-

sahala ha 'muso o ka phethahatsa oa tlohela ho bua kaha seo se ba nyhamisa.

A re puso e entse litšepiso tse ngata ka lebaka leo seo se etsa hore ba lebele le lintho tseo ba li tšepisitseng bacha. A re tsoelopele e ka ba teng ha 'muso o ka phatlalatsa Gazette, oa hlalisa mekhao ea chelete na e tl'o sebelisoa joang le hore mesebetsi e abeloeba bacha bohle ho sa khethoe thuto kapa lipolotiki.

O batla seng sa ona



Nthabeleng Seithleko

Molula-Setulo oa Komiti e ntse e Batlana le Thepa ea 'Muso, Adv. Seeng Matšosa o tiisitse hore ofisi ea habo e ngoletse Adv. Lekhetso Rakuoane le Serialong Qoo, e batla thepa kamor'a liphuputso tse ileng tsa etsoa.

O boletse tsena ka la 17 Phupjane monongoaha.

O re tšebetsong ena ho na le bahlomphehi ba seng ba khutlisitse thepa 'me tselo ke hore bohle ba khutlise thepa e joalo hobane ke ea 'muso.

Ke hona litabeng tsena moo Adv. Lekhetso Rakuoane le Serialong Qoo ba latolang bosehla hore ba ikhabetse likomporo tsa

makala ao ba neng ba tsoaka sephali ho oona pusong ea Dr. Moeketsi Majoro, 'me sehlopha se ntseng se hlalala thepa ea 'muso e matsohong a sele, se ba batla ntho e sieo.

Letona la Mehlang la Merafo, Serialong Qoo le re le se le kopane le liakhente

tsoa lona, le mathela makhotleng a boahloli ba naha ena le batla hore ofisi eo, e le ts'elise ka limillione tse hlano tsa Maloti ka tšenyoe ea lebitso. O re e ha ho thepa ea ikhabetse eona.

Ha e le Letona la mehlang la Toka le Molao, Adv. Lekhetso Rakuoane a re o

tla kopane le liakhente, ka hoo bangoli ba lengolo leo ba lokela ho le hula le ho kopa tsoarelo ka ketso eo hobane ha ho moo a ikhabetse thepa ea ofisi nakong ea tšebetso ea hae.

Ho ea ka lengolo le ngoletsoeng Qoo ka la 11 Phupjane monongoaha le re "Ho ea ka sehlopha se thehiloeng ka 22 Tšitoe 2022, re fumane hore ha u ntse u le Letona Lekaleng la Merafo o ile oa abeloa 'Lap-top' 'me o koptjoa ho khutlisa thepa e joalo matsatsing a supileng ho tloha u fumane lengolo lena."

Tseba boemo

ba hau u

alafshoe

